

Tamara Deflorin nova responsabla da communicaziun e marketing RTR

■ (rtr) A partir dal 2016 surpiglia Tamara Deflorin (28), oriunda da Mustér, il ressort communicaziun e marketing da Radiotelevisiun Svizra Rumantscha (RTR). Suenter l'emprendisadi mercantil cun matura professiunala e la scolaziun sco spezialista da marketing ha ella lavurà en la bransch da turissem e hotellaria. Dapi il 2012 lavura ella tar RTR sco referendaria per la promoziun da program ed events. Sco manadra da la partiziun communicaziun e marketing è Tamara Deflorin responsabla en spezial per la realisaziun d'occurrènz, il marketing da program, il contact cun las medias e la communicaziun interna ed externa. En sia funcziun represchenta ella RTR er en gremis naziunals da la SRG SSR. Ladina Heimgartner, directura RTR, è fitg satisfatga ch'igl è stà pussaivel d'occupar quest post da clav cun ina dunna giuvna: «Jau hai grond plaschair da pudair lavurar en il futur cun Tamara Deflorin. Las sfidas che spetgan ils proxims onns sin RTR èn grondas. Igl è perquai impurtant che la direenziun e la chasa da medias RTR pon sa fidar gist en quest sector sin bunas collavuraturas.» Tamara Deflorin daventa succesura d'Esther Bigliel che ha manà la



Tamara Deflorin, la nova responsabla da communicaziun e marketing tar RTR. MAD

partiziun ils ultims onns e che surpiglia en il futur cun in pensum da lavur parzial novas incumbensas en il team da communicaziun e marketing da RTR.